

## *¡Káche'da u tuskán ni kájo'b te' u yúte jot'om taj nojáro'b*

Ti Méjiku ni yiníko'b i xiktáko'b u yir'eob t'o u jot'om káxune yuxéro'b de aj nojáro'b i káxune yuxéro'b tupámi por unéro'btan u kájo'b. Jin luke u yute u k'ába' ni demokrasia ke ya'án t'o uxtú aj nojáro'b, ni aj nojá tan ni noj na' kaj, bajká u tuse' ni léyo'b i bajká u kirintáno'nla k'a mach yibajtintikonla. Ni aj nojáro'b ke u tuse' ni léyo'b u patáno'b k'a u chinéno'b i u yire'ob si uts o mach uts ni léyo'b tan jinba ki noj na' kajla, ya' tusutáko'b t'o diputádujo'b i senadóro'b. Ni diputádujo'b jin bajká u yik'e' u júto'b por ni kájo'b tubá aj nojáro'b i u yákinde káda uxp'é jáp'op'.

T'o unpe demokrasia ka'án ti Méjiku, uts ni upéte jot'omo'b ta ni yiníko'b i xiktáko'b. K'a útik uts te' u yákinde káxune yuxé de aj nojá ka' diputádu ni kaj u top'kán mach unpe u xót'ema péru ká'inichi u k'e'nán u yaj kijíro'b. Jinba xót'ema u k'ába' xót'em ka'b ta ti úte jot'óm, mach upéte ka'ini u noáno'b, peru tamá ajnék jínchi u k'e'nán aj kijíro'b.

Ni yoko mandá tan jinba noj na' kaj Méjiku u yire' k'a tan upéte jinba ka'b ya'án tusuták 300 xót'ema de ka'b, i ta ajúnp'ejo'b u yákinde ni diputádujo'b ta ni noj na' kaj. Che'chi, ni yoko mandá tan ni na' kaj u yire', u yoko ire', jin u k'e'nan ni diputádujo'b tan na' kaj káinichi u k'e'nán u xót'ema ni ká'b.

### *¿Chuné ni xót'em ka'b ko yúte jot'om?*

Unpe xót'em ka'b ko yute jot'óm jin a yákinde ta ti pukájtinte ni aj kijíro'b ta noj na'kaj o na' kaj, k'a ya'kintik ni ij o aj diputádujo'b i chinkák ke ajúntu ni diputádujo'b u yik'e' u júto'b por jínchi u k'e'nan de aj kijíro'b.

### *¿Chuné ni patán ko pukájtinte ka'b ta ti úte jot'óm?*

Jin unpe patán ke u chen ni Institutu ta Noj na' kaj Ta ti úte jot'óm (INE), k'a u yire' kámbe xót'em ka'b yuxé ti úte jot'óm tan jinba na' kájo'b.

## ¿Chuxtubá u k'inilesínte?

K'a púkajtintiko'b uts upéte aj k'ijiro'b te' yuxéro'b t'i jot'ómo'b, k'a upétejo'b jínchi u k'e'náno'b tan upéte noj na' kaj, i chinkák ke káda ajúnp'e ni jot'óm ajnék uts.

## ¿Chuxtubá wárre u k'inilán k'a púkajtintik ni ka'b ta t'i úte jot'óm?

U yúte ni jínba pukóm k'a ni aj k'ijiro'b mach jínchi u k'e'nán ka' ajní. Cha'túxtu u pínkibán, ótrojo'b u chímóro'b i ótrojo'b u bixéro'b t'i kajté káchikida, jin u chen k'a ni xót'em ka'b ajnék t'o k'en o unlí'b aj k'ijiro'b tan chap'uxp'é jáp'op tupámí. Íxuk'a púru k'iní k'a utsús chinkák si jínchi u k'e'nán ni aj k'ijiro'b tan ni xót'em ka'b ko yúte jot'ómo'b.

## ¿Chuné u k'átinte ta t'i púkajtinte ni ka'b ko yúte jot'óm?

Te' u yúte ni jínba pukóm u chinkán k'a upéte ajnéko'b t'o jínchi u k'e'nán de aj k'ijiro'b, ke tamá ajnék ts'íkí ni kájo'b, ke ajnék u jut ka' unp'é bóno'b geometría, ke ajnék káchikida ko pásejo'b, che'chi chinkák ke mach púru ka'ini u yúte por ni bijiro'b i ajnék unte' ni kájo'b ke u yaj k'ijiro'b u chen t'áno'b t'i yokot'án k'a ajnéko'bchi te' u yúte ni jot'óm.

Tan jáp'op 2016 i 2017 ni INE yuxé u púkajtan ni ka'b tan jínba noj na' kaj i tan na' kájo'b t'i Baja Kalifornia Sur, kampeche, Kolima, Chiapas, kaj t'i Méjiku, Guanajuatu, Guerrero, Jalisco, Méjiku, Michoakán, Morelos, Nuevo León, Kerétaro, San Luis Potosí, Sonora, Tabasku y Yukatán.

Tan ajúnp'e na' kájo'b yuxé u woye'ubáro'b k'a ni INE u bisán ni ts'ib taj nojáro'b ko yire' káche'da yuxé t'i púkajtinte ni ka'b ko yúte jot'óm taj yokot'áno'b, aj ch'unikirbájo'b tan na' kaj, aj nojáro'b tan na' kaj i kaj, ni diputádujo'b tan na' kaj, ni aj nojáro'b ke yuxé u chéno'b ni jínba patán tan na' kaj i noj na' kaj i upéte aj k'ijiro'b.

Te' u yúte ni jínba ts'ib ko yire' káche'da u púkajtinte ni ka'b ta t'i úte jot'óm tan jínba kájo'b aj yokot'áno'b, ni INE yuxé u k'átben ni kájo'b i ch'ok kájo'b aj

yokot'áno'b ko yubíno'b káche'da yolbájo'b k'a kijik ni jínba pukóm ta tì úte jot'óm, che'chi kídá yuxé tì ajné u tìnxiná ni jínba xót'em ka'b.

### ¿Káxune yuxé tì ajnéro'b?

Yuxé tì ajnéro'b aj ch'unikirbájo'b, aj nojáro'b tan jínba na' kaj i kájo'b, ni diputádujo'b tan jínba na' kaj, ni aj nojaro'b tan noj na' kaj i na' kaj ke yuxé u chéno'b jínba patán, kájo'b i ch'ok kájo'b aj yokot'áno'b i upéte aj kijíro'b.

### ¿Ka'ora i káche'da u yúte ni k'itóm?

Najtiki yuxé u woye'ubáro'b t'o aj kijíro'b, yuxé tì ts'ajbínite ni kájo'b i ch'ok kájo'b aj yokot'áno'b ta upéte na' kájo'b. Ya'i yuxé tì t'rbínitejo'b káche'da yuxé tì úte ni patán te' u púkajtinte ka'b ta tì úte jot'óm ta kájo'b i bit kájo'b aj yokot'áno'b i ka'ini yuxé u yíre'ob si ka'ini yolbájo'b k'a útik jínba patán ko yíre' ni aj nojáro'b ke jínchi u patán.

Ji'pát ni aj nojáro'b taj yokot'áno'b yuxé u bisáno'b luke u p'álijó'b tì INE te' yuxé u woye'ubáro'b tan noj na' kaj i na' kaj. Te' a úti ni patán de k'itóm taj yokot'áno'b, ni INE yuxé u yírbén ni aj kijíro'b káche'da u pukajtíro'b ni xót'em ka'b ta tì úte jot'óm i tupámi ka'ínichi yuxé tì úte k'a chinkák káche'da yuxé tì kijó ni xót'em ka'b ta tì úte jot'óm tan noj na' kaj.

K'a útik uts ni k'itóm tan kájo'b i ch'ok kájo'b aj yokot'áno'b, ni INE yuxé tì lotinte t'o ni Institutu Ta noj na' kaj Ta ni yokot'áno'b (INALI), che'chi t'o ni komisión k'a ajnék uts ni Ch'ok kájo'b aj Yokot'áno'b (CDI).

### ¿Káxune yuxé tì ajnéro'b tan jínba k'itóm?

Ni kájo'b i ch'ok kájo'b aj yokot'áno'b t'o aj nojáro'b ke u yik'e' u júto'b por unéro'b.

¡k'átin! T'o upéte kinéla Mejiku u k'e'nán, ¡la' yidá!